

.xxiii. OMELIA IN DOMINICA

.iii. IN QUADRAGESIMA .

Oportet nos fratres karissimi

omni die dominico . ad ecclesias

dei cum humilitate et silentio et sobrietate conuenire .

Si enim infelices iudei tanta deuotione caelebrant

sabbatum . ut in eo nulla opera terrena exercent .

quanto magis christiani in die dominico soli deo uacare .

et pro animarum suarum salute certatim debent

ad ecclesias eius concurrere . tanta ergo in eo debet

esse obseruantia sicut quidam sapiens ait . ut preter

orationes et missarum solemnia . et ea que ad uescendum

in illo die pertinent . nihil aliud in eo fiat .

[.ii.] Ueneranda est itaque dominica dies . quia in ea lucem

deus in principio condidit . in ea manna de celo in

heremo pluit . in ea redemptor humani generis

sponte sua pro nostra salute a mortuis resurrexit . in ea

spiritum sanctum super apostolos infudit . et multa alia que enarrari

perlongum est . Scire etiam debet . quod conueniens

est cuilibet christiano die sabbati cum luminariis

ad ecclesiam . [.iii.] Concurrentum est quoque ad uigilias

uespertinales uel ad matutinum officium . Concurrentum

est etiam cum oblationibus pro se suisque omnibus .

ad missarum solemnia . et hoc quoque sciendum est .

quod dum ad ecclesiam conuenitur nulla causa dici

debet uel audiri . Nulla iurgia sunt habenda .

sed tantummodo deo uacandum est in caelebratione

uidelicet sacrorum officiorum . et in exhibitione

elemosinarum . Et postea cum dei laudibus apud

/46v/ amicos et proximos et peregrinos spiritaliter epulan-
dum est . [T] Ammonendi sunt quoque fideles . ut hos-
pitalitatem frequenter diligant . et nulli hospitium
prohibeant . Quia multi per hospitalitatis officium
deo placuerunt . Dicente apostolo . per hanc enim placuerunt
quidam deo . angelis in hospitio susceptis . Et iterum .
Hospitales inuicem sine murmuratione . et ipse dominus
ad iudicium ueniens dicturus est . Hospes eram et sus-
cepistis me . Ac si dixisset . Ideo uenite et habitate
in aeterna tabernacula . Sciant ergo quicumque
amant hospitalitatem . quod christum uere in hospitibus
recipiunt . [T] Predicandum est etiam ut periurium fideles
caueant et ab hoc sumopere se abstineant . scientes hoc
grande scelus esse et in lege et in prophetis uel etiam
in euangelio prohibitum . Audiuimus autem quosdam
parui pendere hoc scelus . et leuem quodammodo
periuriis poenitentiam modum imponere . Qui uero
nosse debent talem de periurio poenitentiam impone-
re debere . qualem de adultério et de fornicatione .
De homicidio et de ceteris criminalibus
uitiis imponere debent . Et si quis post perpetratum
periurium aut quodlibet criminale peccatum
timens poenitentiam duritiam ad confessionem
uenire noluerit . ab ecclesia poenitus repellendus
est et ab omni communione et consortio fidelium .
ut nullus cum eo comedat neque bibat neque oret .
neque in sua eum domo recipiat . Dicendum est
eis iterum . ut a falso etiam testimonio se abstineant .
/47r/ Scientes et hoc grauissimum scelus esse et ab ipso domino .
in monte sinai prohibitum . Dicente eodem domino .
Non falsum testimonium dices . Salomon dicit . Fal-

sus testis non erit impunitus . [T] Quicumque ergo falsum testimonium profert contra proximum suum .

Extinguetur lucerna eius in die ultimo . quia qui metu cuiuslibet potestatis ueritatem occultat . iracundiam dei super se prouocat . Tunc enim magis timet hominem quam deum . Falsidicus testis tribus est personis obnoxius . primum deo . cuius presentiam contemnit . Deinde iudici . quem mentiēdo fallitⁱⁱ . Si falsi testes separantur . mox mendaces inueniuntur . Vterque autem reus est et qui ueritatem occultat . et qui mendacium dicit . quia et ille prodesse non uult . Et iste nocere desiderat . E contrario autem beatus est cuius testimonium in conspectu domini probabile inuenitur .

[T] Quattuor siquidem modis iustitia in iudiciis subuertitur . Timore ; cupiditate ; Odio ; Amore ; Timore ; Dum metu potestatis alicuius ueritatem dicere uel iudicare quislibet pauescit . Cupiditate . Dum premio muneris alicuius corrumpitur iudex . Odio ; dum cuiuslibet inimicitie causa . nocere alteri desiderat . Amore ; Dum amicos uel propinquos contra iustitiam defendit potentior . His quattuor modis saepe aequitas iudicii subuertitur . et innocentia leditur . Magis autem dolendi sunt qui opprimunt pauperes . quam qui patiuntur iniuriam . Illi enim qui opprimuntur . temporalem /47v/ miseriam cito finiunt . Illi uero qui opprimunt eos per iniustitiam . aeternis flammis deputantur . Sciant ergo quicumque hoc scelus perpetrauerint . quod aut tali poenitentia necesse est purgari ut superius dictum est de periurio . Aut tali damnatione et excommunicatione damnari . sicut superius scriptum est .

Id est aut septem annis in arda erumna sint . aut
ab aecclesia repulsi et ab omnium fidelium communionē .
deiecti . Dicente domino . quid prodest homini . si totum
mundum lucretur . Animę uero suę detrimentum
patiatur . Quippe cum aliis uideatur pius existere .
sibimet autem crudelis existat . Festinare ergo de
bemus fratres karissimi et emendare uitam nostram . quod an
tea male fecimus defleamus . et ulterius peccare
cessemus . Quia non requiret deus quales ab an
tea fuimus sed quales circa finem nostrum asstiteri
mus . cum aliquid in uos boni esse uideritisⁱⁱⁱ . negligen
tiaę uestrae uel culpaę deputetis . Hoc igitur scien
dum est . quod non initium boni operis quaeritur
in christiano sed finis . quia de fine suo unusquisque
iudicabitur . Sunt enim qui bene incipiunt et
male finiunt conuersionem suam . sicut iudas
primo apostolus et postea proditor^{iv} domini et facti
sui conscius . Laqueo se suspendit . Paulus ma
le coepit . et bene finiuit . primo persecutor . postea
predicator . Uirtus igitur boni operis est perseueren
tia . Domino dicente . qui perseuerauerit usque in fi
nem . Hic saluus erit . non igitur qui coeperit bonum
/48r/ sed qui perseuerauerit in bono hic saluus erit . Tunc
enim placet deo nostra conuersatio . quando bonum
quod inchoamus perseueranti fine complebimus .
Bonum ergo non coepisse . sed perfecisse uirtus est .
Non inchoantibus enim premium promittitur . sed perseue
rantibus datur . Ideo unusquisque instantissime bona
quę coepit perficere contendat . ut perpetuam a domino
mereatur mercedem accipere in caelestibus . Prestan
te domino nostro iesu christo . qui cum patre et spiritu sancto uiuit

et regnat in secula seculorum . amen .

ⁱ conueniens] *corr. from conueniendum est*

ⁱⁱ fallit] *at this point a clause has been omitted from the Pembroke 25 text that appears in the other manuscripts: postremo innocenti . quem falso testimonio ledit.*

ⁱⁱⁱ uideritis] *at this point a line has been omitted from the Pembroke 25 text due to eyeskip that appears in the other manuscripts: non ad uestrum laudem sed ad dei putetis et malum cum uideritis.*

^{iv} proditor] *corr. from proditur*